

Lily, 3j.



suechet äs eigens Daheime mit Freigang

Liebi Tierfründe

Oh, wer bisch denn Du? Du siehst us wie min nöie Doseöffner, cha das sy? Ig bi nämlech uf dr Suechi nach eme nöie Daheime. Warum? Ig war i mim Daheime nüm gwout, u denn war ig o uno trächtig. Itze wohne ig vorübergehend uf ere toue Pflägschtäu u ha dört mini Chliine uf d'Wäut dörfe bringe. Zwöi hei scho es Daheime gfunge, zwöi sueche no. U ig sueche ou no. Drum!

Ig bi 3jährig, izwüsche kaschtriert, gimpft u chippet, gsung u schtuberein. Es ganz es verschmuests Büsi, bi mim Mönsch, nid bi Frömdi, dört bin ig no uf Abschtand. Ig beobacht erscht mou u entscheide denn gärn säubscht, ob ig öpper mag odr nid. Abr wenn ig Di mag, denn git's chei Haute meh. Ok, Du hesch rächt, ig bi zerscht e chliine Zicke, abr e liebi, ährlech. Drum suech ig ou es Daheime ohni Ching u ohni Hung, min (vo mir uusgsuechte Mönsch) gnüegt mir vouchomme. E liebi (von mir uusgsuechti) Zwöitchatz chönnt öppis sy, muess abr ou nid. Odr no bessr: mini zwöi Ching, d'Ginger u dr Pucci, die chönnt ig ou mitbringe. Das wär's doch! Abr we Dir drü z'viu sy, denn chumm ig ou alleine. Mir wird scho nid langweilig, wiu: ig liebe min Freigang, ir verchehrsarme Umgäbig, durchs Törli düre d'Nachbarschaft erchunde. Muess immer luege, was so bi di Nachbare geit u bi die Nachbare vo di Nachbare u ... nöigiirig haut, bi ja es Meitschi. U wer weiss, villiicht wohnt dört mini nöie Fründin, d'Nachbarschatz?

Ig sueche liebi Lüüt, die wo mi wönnt uf Läbensziit verwöhne u die wo mir Freigang, nach Iigwönigsziit natürlech, ir verkehrschberuhigte Umgäbig chönnt biete. Ohni Hung u Ching, ou schpäter nid. Hesch Du Chatzeerfahrig u magsch Du Drüfärbeli? Di sy bsundrs, ig weiss es, ig chenne mi da us, bi säubr eis. Hesch Du Ziit? Ziit für mi? Wohnsch Du verchersarm u hesch villiicht au noch en Garte? U es Chatzetörli? Denn isch das villiicht mis nöie Daheime, denn müeset mir üs unbedingt lehre chenne. Ig wohne im Moment no z'Zürich/ZH, zügle abr gärn zu Dir, wo ou immr Du wohnsch. Mäud Di doch bitte ganz gly bi dr Sonja Ball. Sie het sich mir agno u suecht für mi das nöie Plätzli. Ig fröie mi uf Di!

Dini Lily



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch